


2021-mi inuusuttunut ilinniarsiit

Saqqummersitami uani Kalaallit Nunaanni inuusuttunut ilinniarsiit ilinniartut kisimik sammeneqarput. Nunani allani inuusuttunut ilinniarsiit ilinniartut Kalaallit Nunaanneersut Naatsorsueqqissaartarfiup Kisitsisaataasiviani aaneqarsinnaapput

2021-mi 723-it inuusuttunut ilinniarsimmik naammassinnissimapput

2021-mi Kalaallit Nunaanni 723-inik amerlassusillit inuusuttunut ilinniarsimmik naammassinnissimapput. Ukiuni tulleriinni inuusuttunut ilinniakkamik naammassinnittartut amerliartorusaarsimapput, 2016-imilu naammassinnissimasut 803-ullutik amerlanerpaasimapput. Taamanili ukiumut naammassinnittartut amerlassusaat 10 pct.-inik appariarsimavoq, kisiannili 2005-imiit 82 pct.-inik qaffassimalluni.

Titartagaq 1. 2003-miit 2021-mut Kalaallit Nunaanni inuusuttunut ilinniarsimmik naammassinnissimasut



Najoqqutaq: Naatsorsueqqissaartarfik – Kisitsisaataasivimmi kisitsit takukkit (<https://bank.stat.gl/UDNISC11D>).

2021-mi Kalaallit Nunaanni ilinniarnertuunngorniarsimmik naammassinnissimasut 294-iupput, ukiup siuliani 281-iususut. 2005-imut sanilliullugu ilinniarnertuunngorniarsimmik naammassinnittarnerit amerlassusaasa marloriaat sinnersimavaat.

Inuusutissarsiormi ilinniakkamik naammassinnissimasut amerlassusaat ukiup siuliani 380-iusimasut 429-nut amerleriarsimapput, qaffariaat 13 pct.-iulluni.

2.055-it inuusuttunut ilinniarsiit ilinniakkamik ingerlatsipput

2021-mi Kalaallit Nunaanni inuusuttunut ilinniarsiit ilinniakkamik ingerlatsisut 2.055-inik amerlassuseqarput. Tamanna inuusuttunut ilinniakkani


inuussutissarsiornermilu ilinniakkani ukiup siulianut sanilliullugu 4 pct.-inik appariarneruvoq. 2011-miilli ilinniartut amerlassusaat 398-inik ikileriarsimapput, appariaat 16 pct.-iulluni.

1.193-it inuusuttunut ilinniartut ilinniakkamik aallartitsisimapput

2021-mi 1.193-inik amerlassusillit inuusuttunut ilinniartut ilinniakkanik aallartitsisimapput, tamannalu 2014-imut sanilliullugu 15 pct.-inik appariarneruvoq, tassani inuusuttunut ilinniakkamik aallartitsisimasut amerlanerpaasimapput. Ilinniartuunngorniarnernik aallartitsisimasut 2014-imi amerlanerpaasipput, piffissami 2003-miit 2021-mut inuussutissarsiornermi ilinniakkamik aallartitsisimasut 2016-imi amerlanerpaasut.

Agguaqatigiissillugu 20-nik ukiullit ilinniarnertuunngorniarnernik aallartitsisartut, inuussutissarsiornermilu ilinniakkamik aallartitsisartut agguaqatigiissillugu 27-nik ukioqartartut.

Titartagaq 2. 2003-miit 2021-mut Kalaallit Nunaanni ilinniakkanik aallartitsinerit



Eqikkaaneq

Tabel 1. 2017-imiit 2021-mut inuusuttunut ilinniartut ilinniakkap suussusaa killiffillu malillugit

	2017	2018	2019	2020	2021
Ilinniarnertuunngorniarniit					
Aallartitsisimasut	452	475	464	517	474
Ingerlatsisut	1.069	1.069	1.035	1.073	1.078
Naammassinnissimasut	298	273	283	281	294
Inuussutissarsiornermi ilinniarniit					
Aallartitsisimasut	787	733	680	716	653
Ingerlatsisut	1.065	1.053	1.013	1.070	977
Naammassinnissimasut	407	397	378	380	429

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11A>, <https://bank.stat.gl/UDNISC11B>, <https://bank.stat.gl/UDNISC11D>).

Periaaseq

Nalunaarsuutit tunngaviusut

Ilinniartitaanermut kisitsisitigut paasissutissani Ilinniagaqarnersiuteqartitsivimmit (USF) nalunaarsuutit tunngavineqarput. Nalunaarsuiffik ilinniakkamik ilinniagaqarnersiuteqarfigineqarsinnaasunik taamaallaat imaqarpoq. Kalaallit Nunaanni ilinniakkat qallunaanit ingerlanneqartut nalunaarsuutaat (politiinngorniarneq isertitsivinnilu nakkutilliisunngorniarneq) aammalu suliffeqarfiit namminneq ilinniakkat ingerlataat nalunaarsuutini ilaannngillat.

Periaaseq

Naatsorsueqqissaartarfiup naatsorsuutit atunnginnerini kisitsisit misissoqqissaarpai, nalilersorlugit aamma suliareqqillugit.

Ilinniarluni ulloq naammassiffik tunngavigalugu ilinniartunut nalunaarsuutit ukiut tamaasa ukiut kingulliit pingasut iluarsineqartarput. Siunissami ilinniarneq pillugu kisitsisitigut paasissutissat assigiaarnerunissaat aamma ilinniartunut nalunaarsuutit kingumoortumik iluarsineqartarnissaat eqqarsaatigalugu taamatut suleriuseqartoqarpoq.

Naatsorsuineq

Ukiumut ataasiarluni ilinniartitaanermut kisitsisitigut paasissutissat sularineqartarput. Ilinniakkamilli ingerlatsisunut ulloq 31/12 naatsorsuutini malinneqartarpoq.

Ilinniartitaanermut paasissutissani ilinniakkamut ingerlatsineq uuttuutitut atorneqarpoq. Ilinniakkamik ingerlatsinerit amerlassusaat inuillu amerlassusaat assigiinngillat. Assersuutigalugu ukiup ataatsip ingerlanerani ilinniartoq ilinniakkamik aallartitsisinnaavoq, aallartitaluarnilu unitsillugu ukiullu ingerlanerani ilinniakkamik allamik allartitseqqilluni. Taamaasilluni aallartitsisimasutut marloriarluni naatsorsuutini ilaassaaq. Ilinniakkanik ingerlatsinerit inuillu amerlassusaat assigiissinnaapput aatsaat ilinniartunik ingerlatsisunik naatsorsuineri.

Ilinniartitaanermut kisitsisit paasissutissaat ilinniakkanik aallartitsisimasunik, ingerlatsisunik naammassinnissimasunillu imaqarput, ilinniakkap qaffasissusaa, suiaaassuseq ukiullu malillugit immikkoortiterneqarsimasunik. Kisitsisillu immikkoortiterneqarput:

- Ilinniakkamik ingerlatsineq, nuna ilinniakkamik ingerlatsivik malillugu
- Kalaallit Nunaanni ilinniakkamik ingerlatsineq, ilinniarfik ilinniagarlu malillugit

Inuussutissarsiornermi ilinniakkat ataasiakkaat Danmarkimi atuagarsorfiupput, suliffinnillu misiliinerit annerpaartaat Kalaallit Nunaanni pisarput. Saqqummersitami matumani nuna ilinniarfik tassaavoq nuna ilinniarfiup inissisimaffiatut nalunaarsorneqarfia.

Naatsorsueqqissaartarfiup ilinniartitaanermut kisitsisitigut paasissutissiaani UNESCO-p nunat tamalaat akornanni malittarisassaa ISCED2011-mik taaneqartoq malinneqarpoq. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immik-koortiternerat takussutissiaraa. Taaguutit takussutissiarlu www.stat.gl-imi Ilinniartitaanermut tunngasut ataanni nassaarineqarsinnaavoq.

Ilisarnaatinut nassuiaatit

... Paasissutissat pigineqanngillat

.. Paasissutissat tatiginanngitsut ilisarinnilersitsinnaasulluunniit

. Kisitsisitaqarsinnaanngitsut

0 Affaanit mikinerusut

- Nul

* Kisitsisaagallartut imaluunniit missingersuut

Saaffiginniffissaq

Samo Nielsen

E-mail: snie@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqar.: +299 34 57 70 · Fax: +299 34 57 90

www.stat.gl · e-mail: stat@stat.gl

